

اسلامك نفعنه خادم مقالات
مع الت شكر قبول ونشر اولونور

دینی، علمی، ادبی، اجتماعی

اداره خانه سی : دار الفنون
قارشیننده کاش حسن پاشا
مدرسه سی داخلنده در

یازانک شخصیتی دکل، یازینک اهمیت
نظر دفته آلیئر .

کن یازیلردن شایان قبول کورولنلر
تاصیج میراسیله درج ایدیلیر .

کونده زیله جک آثار ، اوقوناقلی
و مختصرجه یازیلش اولمالیدر .

صاحی ، مدیری ، محرری :

آبونه قیدی معامله سی هرسته ناک برنجی
وایکنجی آلی اعتباراً اجرا اولونور

مختل
۱۳۲۸

مجموعه اسراریه سی



فی : غروش .
۹۰

ربیع الاول
۱۳۴۲

عدد
۴۱
جلد
۴

واضح مثاللری وحسی ایضا حاری وارد. کرچه
ایراد ایله دیکي امثله ده جواز تأویل بر شیء دین
اولما مشهده وجوب تأویل ادعاسنه قارشى (لا)
دین پک چوق بولونمشدر . مابعدی وار

برغمه کى مردت

عبادات اسلامیه تاریخچه سندن

خطابت نبویه

۳۸ نجی نسخه دن مابعد

جابر بن سمره رضی الله عنہک « بن رسول اکرم
صلی الله علیه و سلم ایله بر چوق نماز قیلدم . علیه
الصلوة والسلام اقدیمک نماز قیلدیریشی ده خطبه
او قویشی ده متوسط درجه ده ، یعنی نه اوزون ، نه ده
قیصه ایدی » دیدیکی صحیح مسلمده مذکوردر .
ابلاغ الانبیاء علیه ! کمل التحایا حضرتلری ،
خطبه ایراد ایدرکن مقتضای کلامه کوره تبلیغانده
بولونور ، انذار و وعیده دائر سسوز سوبلیورسه

[۳] جابر بن عبدالله رضی الله عنہدن مروی اولان
بوحدیشه « کانه منذر جيش » تعبیری قول الانبیاء
مسلم حاشیه صنده ایسه بوتعبیر « کهن یندرقوماً من قرب
جيش عظم قصدوا الاغارة علیهم » یعنی یغما ایچین کلن
عظیم بر عسکرک ورودینی بر قومه خبر ویرن کبی « دینه
تفسیر ایدیلشدر .

قاموس ترجمه سنده ده نیلیرکه :

الإنذار : همزه نك كسر یله والنذر : نونك فتحی و
ذالك سكونیله ونونك ضمی و ضمتیله والنذیر : صریر
وزنده بر آدمه بر ماده بی اعلام و ابلاغ ایله آکا قورقو
ویروب آکا ایله مک معناسنه درکه تبشیر مقابلیدر .

الندیر العربیان : ختم قبیله سندن بر کیسه ده که
ذی الخلصة معرکه سنده عوف بن عاصم ، مزبورک اوزرینه
حملة واخذ ایله دکن صکرا کندیسنک و خاتونک اللری
قطع ایله مشدر . علی قول مطلقا منذر اولان کیسه یه
اطلاق اولنور . زیرا عربلرک عادتندیرکه بر آدم قومنی
شبخون و اغاره حدوشدن آکا و تحویف حالده یابندن
متجرد اوله رق کلوب اخبار و ایقاپ ایدر . بینلر ده حالت
مزبوریه اشارتدر .

جابر بن عبداللهک روایتی موجبجه - کوزلری
قیزاریر ، سنی یوکسه لیر و دشمن عسکرینک
ورودینی خبر ویرنلر کبی (.) غضبه کلیر و بعثت .
انا والساعة کهاتین - مسلم « یعنی » بنم بعث اولونو -
شمله قیامتک آراسی ، شونلر کیدر ، حدیثده
اولدینی کبی شهادت و اورتیه بارماق لایله ایتدیکی اشارتدن
باشقه الئی ، قولنی اویناتوب صاللا مازدی . ینه
مسلم شریفده ده نیلورکه :

« بشر بن مروانک منبر اوزده رنده اللریخی قالیدر -
دیغنی کورن عمارة بن رؤیبه رضی الله عنه : الله شو
اللرک مستحقنی ویرسین . بن رسول اکرمک
خطبه اثناسنده شهادت بارماغیله ایتدیکی اشارتدن
فضله ایله بر حر کتده بولوندیغنی کورمه دم ، دیمشدر ،
ساعت اجابت :

« ان فی الجمعة لساعة لا یوافقها مسلم یسأل الله
فیها الا اعطاه اياه - مسلم » یعنی « جمعه کونی ایچنده
خفیف بر زمان واردرکه او مدت ظرفنده بر مسلمانک
اللهمدن ایسته دیکی خیرلی بر شیء جناب حق مطلقا
اوکا ویریر »

ابو هریره نک روایت ایتدیکی ، « وهی ساعة خفيفة »
دیبه رک مدتک قیصه لغندن بحث ایتدیکی بر وقت
واردرکه اوکا (ساعت اجابت) ده نیلیر . بوزمانک
تعیننی حقیقه ابو موسی الاشعری « سمعت رسول الله
صلی الله علیه وسلم یقول هی مایین ان یجلس الامام الی ان
تقضى الصلاة - مسلم » دیمشدرکه « جمعه کونکی
ساعت اجابتک منبرده خطیبک او طور ماسندن نمازک
قیلینماسنه قدر کچن مدت اولدیغنی رسول الله صلی
الله علیه وسلمندن ایشیتدم » دیمکدر .

ذهنی افندی مرحومده بوزمان ایچین « وهی
من خروج الامام الی فراغه من الصلاة علی الصبیح »
قولنی ترجیح و کتاب الصلاة سنده نقل ایلشدر .

ظهر اخير :

معلوم در كه جمعه نك درت ركعت اول ، درت ركعت
صوك سنتي واردر كه ايكي سي ده مؤكدر . سنت
اخيره دن صوكرا (ظهر اخير) ناميله درت ركعت
داها قيارلر . حاجي ذهني افندي كتاب الصلواتنده :
« اعتبار سبق و ظهر اخير احتياطي ، تعدد
جمعه نك [بر ملكت داخلنده] منعي حقنده كي قول
ضعيفه مبنيدر . آكا كوره - كه قول ابي يوسف و
مذهب امام شافعيدير - جمعه ايلك قيلانكدر .
بناء عليه احتياط اولارق آخر ظهر ، ياخود ظهر
اخير ناميله درت ركعت نماز قيلنيز» ديدكدن صكره
حاشيه اولارقده شوسطرلري علاوه ايديور :

« ابن نجيم دخي بحر راقده : صلات ظهر اخير ،
صلوات جمعه نك مصر واحد عدم جواز تعددي روايتي
سبيله سختنده ايديلن شك اوزه رينه بعض متأخرينك
وضع ايندكريدن . روايت مفك كوره ايسه مختار دكلدر .
وبعدالجمعه ظهر اخير نمازي نه امام اعظم دن ونه صاحبيندن
روايت اولونماشدر . يوم جمعه نك فرضي اودر ، جمعه
فرض دكلدر ديو اعتقاد اولونمق خوفنه . بني بن او
نمازك عدمني كرارا افتا ايتدم ديمشدر »

صلى الله عليه وسلم افنديمك فرض جمعه دن صوكرا
درت ركعت سنت قيلنماصي حقنده امر ويرديكي
و حجرة سعادت عودتنده آريجه ايكي ركعت نماز
قيلديني صحيح مسلمده مذ كوردن .

مابعدى وار طاهر المولوى

عقل ايله تفلك تصادمه دائر مسالك

ايلك نظرده معقول ايله منقول آره سنده كوريلن
تصادمى حل ايجون علما اوچ فرقيه آيرلمشدر .
برنجي فرقه : معقوله نصب نظر ايدوب منقوله
التفات ايتيورلر . شرع شريفده عقللرينه موافق
برشى ايشيدوب كورورلر سه قبول ايديورلر . عقللرينه
مخالف برشى مسموعلري اولديني تقديرده بو(عوام

ناسك فكرلرينه مناسب طرزده انبياك تصويراتى
اولديغنى و آنلك عوام ناس درجه سنده تنزللري
واجب اولوب بعضاً خلاف واقعي ذكره محتاج اولد .
قلمريني) زعم ايديورلر . معقولانلرينه موافق اولميان
نقول صحيحه شرعيه يي وضع ايلدكلى دساتير
فاسده يه حمل ايديورلر .

بوفرقة عقلياتده غلوا فراطلري نتيجه سى اولمق
اوزره انبياي عظام حضراتي صراحة تكذيب
ايلدكلى ايجون ارتكاب كفر ايتش اوليورلر .
فلاسفه ، باطنييه ، غلات صوفيه بوفرقة نك
اركاندندر . ثقاتدن منقول اولان نقول صحيحه
شرعيه يي رد وانكار ايدنلرده بونلره ملحقدر .

(بل كذبوا بآلهم يحيطوا بعلمه) نظم جليلنك
مفاد نجه بوفرقة اربابي اخبار ونصوص انبيايي بحق
تدبر ومضمونلريني ادراك واحاطه ايدمه مدكلى
وياخود ناسي اضلال مقصود مفسد تكارانه سنده
بولندقلري ايجون انبيايي تكذيب و آنلره افترايه
محاسرت ايديورلر .

هر عصرده بومسلكه سلوك ايدنلر اكسيك
اولماديني كي مع الاسف عصر اخيرده ، زمانمزده
اهل اسلام آره سنده مسلك مذ كورك طرفداراني
كثرتله كورولمكده در : كيكي عقللرينه موافق اولميان
نصوص شرعيه يي رد وانكار ايديورلر ، كيكي داعي
تاويل برقرينه قويه ويردليل عقلي قطعي بولماديني
خالده آرزولرينه موافق شكلده تاويل ايديورلر .

كيكي ده هواي نفسانيلرينه ، سفاقتلرينه موافق
اولمديني ايجون احكام شرعيه يي مدينه وسفاقت
اجتماعيه لرينه مانع كوروب عقللرينه اويغون و
غرضلرينه موافق اولان شيلرك ديندن اولديغنى
قبول ايله موافق اولميان احكام واساسات دينيه يي
رد وانكار ايديورلر . بو صورتلره اهل اسلامي
اضلال وافساد سعي ايديورلر .